

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2018 йил „ 14“ май

№ ПК-3726

„ — “ 20 г.

**Ўзбекистон Республикаси Куролли Кучлари ҳарбийлари ва уларнинг
оила аъзоларини ижтимоий қўллаб-қувватлашга оид қўшимча
чора-тадбирлар тўғрисида**

Миллий армияни изчилик билан қуриш ва ислоҳ қилишнинг қисқа даври ичida ҳарбий бошқариш тизими ва уни замонавий қурол-астлаҳа ва ҳарбий техника билан жиҳозлаш даражаси кескин ўзгарди.

Мураккаб, кескин ўзгарувчан, аввалам бор бир-бирига боғлиқ ҳалкаро терроризм, диний экстремизм ва радикализмнинг кучайиши, мамлакатимиз чегаралари яқинида тўхтамаётган қуролли мажаролар, ёшлар ўртасида ҳалқимизга ёд бўлган ғояларнинг тарқатилиши шароитларида, Ўзбекистон Республикаси Куролли Кучлари ҳарбийлари ҳар куни ҳарбий-хизмат вазифаларни бажариб келмоқдалар. Ҳарбий хизматчиларнинг янги хизматни ўташ жойларига, шу жумладан, иқлим шароитлари оғир бўлган узоқ гарнizonларга кўчиб ўтиши натижасида, уларнинг фарзандлари таълим муассасаларини доимий равишда ўзгаририб туришади, мазкур ҳолат эса улар томонидан олинаётган билимлар сифатига таъсир қўрсатмоқда.

Вужудга келган вазиятни эътиборга олган ҳолда, ҳарбий хизматлари доимий ҳарбий тайёргарлик ҳолатида ўтаётганлигини ҳисобга олиб, ҳарбий хизматчиларнинг маънавий-рухий ҳолатини сақлаб қолиш ва қўллаб-қувватлаш, уларнинг оила аъзоларига бўлган ғамхўрликка алоҳида эътибор қаратилмоқда.

Ўзбекистон Республикаси Куролли Кучлари ҳарбийлари ва уларнинг оила аъзоларини янада ижтимоий қўллаб-қувватлаш, маънавий-рухий ҳолатини мустаҳкамлаш мақсадида:

1. 2018/2019 ўкув йилидан бошлаб шундай тартиб ўрнатилсинки, унга мувофиқ Ўзбекистон Республикаси Куролли Кучлари таркибига кирувчи вазирликлар ва идораларнинг хизматдаги офицерлари, шартнома бўйича хизмат қилаётган сержантлар ва оддий аскарлар таркиби (кейинги ўринларда – вазирлик ва идоралар) фарзандлари учун:

республика олий таълим муассасалари давлат гранти асосида олий таълим муассасаларига умумий белгиланган қабул қўрсаткичлари квотасидан ташқари;

ҳарбий олий таълим муассасаларига курсантларнинг умумий қабул сонидан бакалавриятга қабул қилишнинг беш фоизли квотаси ажратилади (иккинчи ва ундан кейинги олий таълимдан ташқари).

2. Белгилансинки:

а) мазкур қарорнинг 1-бандига мувофиқ республиканинг олий таълим муассасалари ва олий ҳарбий таълим муассасаларига (кейинги ўринларда – таълим муассасалари) квота асосида кириш ҳамда давлат гранти асосида таълим олиш хуқуки мамлакатнинг мудофаа қудратини мустаҳкамлашга салмоли ҳисса кўшган, хизматдаги ҳарбий ва илмий фаолиятда маълум бир натижаларга эришган ва тегишли вазирликлар ва идораларнинг тавсияномаларига эга бўлган хизматдаги офицерлар, шартнома бўйича хизмат қилаётган сержантлар ва оддий аскарларнинг (кейинги ўринларда – ҳарбий хизматчилар) фарзандларига берилади;

б) ажратилган беш фоизли квота чегарасида ҳарбий хизматчиларнинг фарзандларини қабул қилиш танлов асосида амалга оширилади ҳамда жойлар Ўзбекистон Республикаси Вазирлар Маҳкамаси ҳузуридаги Давлат тест маркази томонидан ўтказиладиган тест синовлари натижаси бўйича тўпланган баллардан келиб чиқсан ҳолда, навбатдаги кетма-кетлик тартибиға мувофиқ тақсимланади;

в) олий таълим муассасаларига фарзандлари ўқишига кириши учун ҳарбий хизматчиларга бериладиган тавсияномалар, тавсияномаларни бериш тўғрисидаги қабул қилинадиган қарорларнинг холислиги юзасидан шахсий жавобгарлик юкландиган, ҳарбий хизматчиларнинг (бошликларнинг) бевосита командирларининг илтимосномалари асосида тегишли вазирлик ва идоралар томонидан берилади;

г) тавсияномалар фарзандларнинг олий таълим муассасасига бир марта кириши учун уч йилдан ошмайдиган муддатга берилади;

д) абитуриентда тегишли вазирлик ва идора томонидан берилган тавсияноманинг мавжудлиги ҳолатида, шунингдек, муддатли ҳарбий хизмат ниҳоясига етгандан кейин ҳарбий қисмнинг қумондонлиги томонидан, муддатли ҳарбий хизмат муддати тугаганидан сўнг ҳарбий қисм қумондонлиги томонидан берилган, тавсияномада назарда тутилган кўшимча йигилган балларни хисобга олган ҳолда, уни ўқишига қабул қилиш

Ўзбекистон Республикаси Вазирлар Маҳкамаси ҳузуридаги Давлат тест маркази томонидан ўтказиладиган тест синовлари натижаси бўйича танлов асосида амалга оширилади;

е) тавсиянома бланклари қатъий ҳисобот хужжатни ҳисобланади, ҳисобга олиш серияси, рақами ва ҳимояланиш даражасига эга бўлиб, “Давлат белгиси” давлат ишлаб чиқариш бирлашмасида тайёрланади.

3. Ўзбекистон Республикаси Куролли Кучлари таркибига кирувчи вазирликлар ва идоралар ўртасида олий таълим муассасаларига беш фоизли қабул квотасининг умумий ҳар йили тақсимланадиган жойлари қуидаги нисбатда тақсимлансин:

Мудофаа вазирлиги – 44 фоиз;

Ички ишлар вазирлиги – 10 фоиз;

Фавқулотда вазиятлар вазирлиги – 3 фоиз;

Ахборот технологиялари ва коммуникацияларини ривожлантириш вазирлиги – 1 фоиз;

Давлат хавфсизлик хизмати – 30 фоиз;

Миллий гвардия – 10 фоиз;

Ўзбекистон Республикаси Президентининг давлат хавфсизлик хизмати 2 фоиз.

4. Белгилансинки, 2018/2019 ўкув йилидан бошлиб Қуролли Кучлари таркибига кирувчи вазирлик ва идораларнинг офицерлар, шартнома бўйича хизмат қилаётган сержантлар ва оддий аскарлар таркибидаги, ҳарбий хизматни ўташда ҳалок бўлган, шунингдек, ҳарбий хизматни ўташда ярадор бўлган, контузия, шикаст олиш натижасида ногирон бўлиб қолган ёки касалликларга дучор бўлган ҳарбий хизматчиларнинг фарзандлари вазирликлар ёки идораларнинг тегишли тавсияномалари асосида белгиланган қабул квоталаридан ташқари давлат гранти асосида олий таълим муассасаларининг бакалавриятига (иккинчи ва ундан кейинги олий таълимдан ташқари) танловсиз қабул қилинадилар.

5. Вазирликлар ва идораларга 2018/2019 ўкув йилларидан олдин тўлов-шартнома асосида олий таълим муассасаларининг бакалавриятларига ўқишига кирган, ҳарбий хизмат вазифаларини бажариш чоғида ҳалок бўлган офицерлар, шартнома бўйича хизмат қилаётган сержантлар ва оддий аскарларнинг фарзандлари учун бюджетдан ташқари маблағлар ҳисобидан шартномаларни тўлашга рухсат этилсин.

6. Ўзбекистон Республикаси Мудофаа вазирлиги Олий ва ўрта маҳсус таълим вазирлиги бошқа манбаатдор вазирликлар ва идоралар билан биргаликда:

икки ҳафта муддатда Ўзбекистон Республикаси Куролли Кучлари ҳарбийлари фарзандларини квота асосида республиканинг олий таълим муассасаларига ўқишга кириши учун тавсияномаларни бериш тартиби тўғрисидаги Низом лойиҳасини Ўзбекистон Республикаси Вазирлар Маҳкамасига киритсин;

конун ҳужжатларига ушбу қарордан келиб чиқадиган ўзгартиш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин;

ўзлари қабул қилган норматив-хукуқий ҳужжатларни ушбу қарорга мувофиқлаштирунсан.

7. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов ва Ўзбекистон Республикаси Президенти хузуридаги Хавфсизлик кенгаши котиби В.В.Махмудов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри